



**Broj/Број: 02 –50 –1-67-34/'04
Sarajevo/Сарајево: 14.12.2004.**

**ZAPISNIK
34. sjednice Doma naroda
Parlamentarne skupštine Bosne i Hercegovine,
održane 14. decembra 2004. godine**

Sjednica je počela u 11,15 sati.

Sjednicom je predsjedavao Goran Milojević, predsjedavajući Doma naroda Parlamentarne skupštine Bosne i Hercegovine.

Na sjednici je bilo 15 delegata.

Osim delegata, na sjednici Doma naroda bili su: predstavnici Vijeća ministara, predstavnici međunarodnih organizacija i predstavnici sredstava javnog informisanja.

Dom naroda usvojio je sljedeći

D N E V N I R E D

1. Odgovori na delegatska pitanja i delegatska pitanja
2. Zapisnik sa 33. sjednice Doma naroda
3. Izvještaj Zajedničke komisije o nastojanju za postizanje sporazuma o identičnom tekstu Zakona o ustupanju predmeta od strane Međunarodnog krivičnog suda za bivšu Jugoslaviju Tužilaštvu Bosne i Hercegovine i korištenju dokaza pribavljenih od Međunarodnog krivičnog suda za bivšu Jugoslaviju u postupku pred sudovima BiH
4. Izvještaj Zajedničke komisije o nastojanju za postizanje sporazuma o identičnom tekstu Zakona o izmjenama i dopunama Zakona o Tužilaštvu Bosne i Hercegovine
5. Izvještaj Zajedničke komisije o nastojanju za postizanje sporazuma o identičnom tekstu Zakona o izmjenama i dopunama Zakona o Sudu Bosne i Hercegovine
6. Zahtjev Finansijsko administrativne komisije Doma naroda za razmatranje Prijedloga zakona o dopuni Zakona o radu u institucijama Bosne i Hercegovine, po hitnom postupku, u skladu sa članom 100. Poslovnika
7. Zahtjev Predsjedništva BiH za razmatranje Prijedloga zakona o izmjenama i dopunama Zakona o Centralnoj banci Bosne i Hercegovine po hitnom postupku, u skladu sa članom 99. Poslovnika
8. Prijedlog zakona o porezu na dodatnu vrijednost (PDV) – drugo čitanje
9. Specijalni Izvještaj Ombudsmena za ljudska prava Bosne i Hercegovine o pitanjima registracije birača radi ostvarenja aktivnog biračkog prava i o ostvarenju pasivnog biračkog prava nacionalnih manjina u Bosni i Hercegovini na opštinskim izborima 2004. godine.
10. Izvještaji o izvršenoj reviziji Finansijskog poslovanja institucija Bosne i Hercegovine za 2003.god :

- a. Agencije za informacije i zaštitu BiH,
 - b. Centra za uklanjanje mina BiH,
 - c. Direkcije za civilnu avijaciju BiH,
 - d. Direkcije za europske integracije BiH,
 - e. Direkcije za implementaciju projekta CIPS,
 - f. Doma za ljudska prava BiH,
 - g. Instituta za akreditaciju BiH,
 - h. Komisije za zaštitu nacionalnih spomenika BiH,
 - i. Ministarstva finansija i trezora BiH,
 - j. Ministarstva vanjske trgovine i ekonomskih odnosa BiH,
 - k. Ministarstva za ljudska prava i izbjeglice BiH,
 - l. Ombudsmena za ljudska prava BiH,
 - m. Stalnog komiteta za vojna pitanja BiH,
 - n. Vijeća ministara BiH – Službe,
 - o. Komisija za imovinske zahtjeve raseljenih osoba i izbjeglica
11. Izvještaj o stanju u odbrambenim i sigurnosnim strukturama u Bosni i Hercegovini
12. Izvještaj Zajedničke komisije za odbrambenu i sigurnosnu politiku o prijedlogu zaključaka i mjera povodom rasprave o Informaciji o stanju sigurnosti Bosne i Hercegovine

Ad-1. Odgovori na delegatska pitanja i delegatska pitanja

Odgovore na delegatska pitanja su dobili Boško Šiljegović, Osman Brka i Tomislav Limov.

Delegati Boško Šiljegović i Tomislav Limov nisu zadovoljni odgovorom.

Delegat Osman Brka je zadovoljan odgovorom.

Delegat Nade Radović je postavio slijedeće delegatsko pitanje:

“Kao delegat primio sam pismo kablovskog operatera ELTA DOBOJ koje govori o nepravilnostima na području autorskih prava u nadležnom Institutu za standarde, mjeriteljstvo i intelektualno vlasništvo. Molim da se provjere navodi iz pisma”.

Ad-2. Zapisnik sa 33. sjednice Doma naroda

Zapisnik 33. sjednice Doma naroda jednoglasno je usvojen.

Ad-3. Izvještaj Zajedničke komisije o nastojanju za postizanje sporazuma o identičnom tekstu Zakona o ustupanju predmeta od strane Međunarodnog krivičnog suda za bivšu Jugoslaviju Tužilaštvu Bosne i Hercegovine i korištenju dokaza pribavljenih od Međunarodnog krivičnog suda za bivšu Jugoslaviju u postupku pred sudovima BiH

U raspravi nije niko učestvovao.

Dom naroda jednoglasno je usvojio Izvještaj Zajedničke komisije oba doma o postizanju sporazuma o identičnom tekstu Zakona o ustupanju predmeta od strane Međunarodnog krivičnog suda za bivšu Jugoslaviju Tužilaštvu Bosne i Hercegovine i korištenju dokaza pribavljenih od Međunarodnog krivičnog suda za bivšu Jugoslaviju u postupku pred sudovima BiH

Ad-4. Izvještaj Zajedničke komisije o nastojanju za postizanje sporazuma o identičnom tekstu Zakona o izmjenama i dopunama Zakona o Tužilaštvu Bosne i Hercegovine

U raspravi nije niko učestvovao.

Dom naroda jednoglasno je usvojio Izvještaj Zajedničke komisije oba doma o postizanju sporazuma o identičnom tekstu Zakona o izmjenama i dopunama Zakona o Tužilaštvu Bosne i Hercegovine.

Ad-5. Izvještaj Zajedničke komisije o nastojanju za postizanje sporazuma o identičnom tekstu Zakona o izmjenama i dopunama Zakona o Sudu Bosne i Hercegovine

U raspravi nije niko učestvovao.

Dom naroda jednoglasno je usvojio Izvještaj Zajedničke komisije oba doma o postizanju sporazuma o identičnom tekstu Zakona o Sudu Bosne i Hercegovine.

Ad-6. Zahtjev Finansijsko administrativne komisije Doma naroda za razmatranje Prijedloga zakona o dopuni Zakona o radu u institucijama Bosne i Hercegovine, po hitnom postupku, u skladu sa članom 100. Poslovnika

U raspravi je učestvovao Nade Radović.

Dom naroda nije usvojio zahtjev Finansijsko administrativne komisije Doma naroda za razmatranje Prijedloga zakona o dopuni Zakona o radu u institucijama Bosne i Hercegovine, po hitnom postupku. Zakon će se razmatrati u redovnoj proceduri.

Ad-7. Zahtjev Predsjedništva BiH za razmatranje Prijedloga zakona o izmjenama i dopunama Zakona o Centralnoj banci Bosne i Hercegovine po hitnom postupku, u skladu sa članom 99. Poslovnika

U raspravi su učestvovali: Hasan Čengić i predstavnik Centralne banke, Jasenka Žigić.

Dom naroda jednoglasno je usvojio zahtjev za razmatranje po članu 99. Poslovnika Doma naroda Prijedloga zakona o izmjenama i dopunama Zakona o Centralnoj banci Bosne i Hercegovine.

Ad-8. Prijedlog zakona o porezu na dodatnu vrijednost (PDV) – drugo čitanje

U raspravi su učestvovali: predsjedavajući Vijeća ministara Adnan Terzić, Nade Radović, Osman Brka, Tomislav Limov, Đoko Pajić, Velimir Jukić, Halid Genjac, Hasan Čengić i Hilmo Neimarlija. Dom naroda usvojio je u drugom čitanju Prijedlog zakona o porezu na dodatnu vrijednost (PDV) sa sljedećim amandmanima:

Amandman 1.

Član 82. mijenja se i glasi:

Član 82.

(Prestanak važenja propisa)

Danom primjene ovog zakona prestaju da važe sljedeći zakoni:

- Zakon o porezu na promet proizvoda i usluga – prečišćeni tekst («Službene novine Federacije BiH», broj:42/2002);
- Zakon o akcizama i porezu na promet («Službeni glasnik Republike Srpske», broj:25/02, 30/02, 60-Dio II/03 i 96/03);
- Zakon o obezbjeđenju sredstava za redovno i sigurno odvijanje željezničkog saobraćaja («Službeni glasnik Republike Srpske» 15/96, 19/96);
- Zakon o porezu na promet proizvoda i usluga («Službeni glasnik Brčko Distrikta», broj: 7/02 i 16/03)

Upravni odbor uz prethodno obavještanje Vijeća ministara BiH i Parlamentarne skupštine BiH može, po potrebi, odlučiti da produži period primjene zakona iz stava 1. ovog člana. Produženje

perioda ne može biti duže od odlaganja primjene odredbi predviđenih članom 83. stav 2. ovog zakona.

Amandman 2.

U članu 83. iza stava 1. dodaje se stav 2. koji glasi:

«Upravni odbor može odlučiti da odgodi datum primjene bilo koje ili svih odredbi iz stava 1. ovog člana, u slučaju da administrativne ili druge prepreke ugrožavaju njihovu pravovremenu i pouzdanu primjenu uz prethodno informisanje Vijeća ministara BiH i Parlamentarne skupštine BiH.»

Dosadašnji stav 2. postaje stav 3.

Dom naroda je usvojio sljedeće

ZAKLJUČKE

1. Zadužuje se Vijeće ministara BiH i entitetske vlade da kroz mjere socijalne zaštite i programe osiguraju zaštitu najugroženijih kategorija stanovništva nakon početka primjene Zakona o PDV-u. Ove mjere koje će uključivati kriterije za raspodjelu sredstava i izvore za njihovo osiguranje, biće prezentirane Parlamentarnoj skupštini BiH najkasnije do kraja februara 2005. godine. Takva obaveza je preuzeta i Zajedničkom izjavom premijera Terzića, Mikerevića i Hadžipašića u vezi sa uvođenjem PDV-a, od 01.12.2004. godine.
2. Zadužuje se Vijeće ministara BiH i Uprava za indirektno oporezivanje BiH da izvrše tehničke i kadrovske pripreme koje bi omogućile primjenu ovog zakona od 01.07.2005. godine. Traži se od DGS BiH da u cijelosti sarađuje u provođenju Zakona o PDV-u.
3. Preporučuje se da u narednom periodu, a najmanje jednu godinu, nadležni organi zadrže sadašnje carinske obaveze i da njihove stope usklađuju prema efektima primjene Zakona o PDV-u.
4. Zadužuje se Vijeće ministara BiH da nakon godinu dana primjene Zakona o PDV-u pripremi cjelovitu analizu efekata primjene i mjera koje će osigurati dalje pozitivne rezultate, kao i analizu mogućnosti uvođenja više stopa.
5. Zadužuje se Vijeće ministara BiH da narednih 12 mjeseci, počevši od 01. januara 2005. godine organizuje odgovarajuće informisanje javnosti: građana, privrednih subjekata i državnih institucija o svim aspektima važnim za primjenu Zakona o PDV-u. Potrebno je da Vijeće ministara BiH u Nacrtu budžeta za 2005. predloži sredstva za ovu svrhu.

Budući da je Zakon usvojen u različitom tekstu u odnosu na Predstavnički dom, Dom naroda imenovao je sljedeće delegate za članove Zajedničke komisije za nastojanje postizanja sporazuma o identičnom tekstu Zakona:

- Halid Genjac
- Velimir Jukić
- Nade Radović

Ad-9. Specijalni Izvještaj Ombudsmena za ljudska prava Bosne i Hercegovine o pitanjima registracije birača radi ostvarenja aktivnog biračkog prava i o ostvarenju pasivnog biračkog prava nacionalnih manjina u Bosni i Hercegovini na opštinskim izborima 2004. godine.

U raspravi su učestvovali: Ilija Filipović, Osman Brka, predstavnik ombudsmena za ljudska prava BiH Mariofil Ljubić i Velimir Jukić.

Dom naroda jednoglasno je usvojio Specijalni Izvještaj Ombudsmana za ljudska prava Bosne i Hercegovine o pitanjima registracije birača radi ostvarenja aktivnog biračkog prava i o ostvarenju pasivnog biračkog prava nacionalnih manjina u Bosni i Hercegovini na opštinskim izborima 2004. godine sa sljedećim zaključkom:

Zadužuje se Izborna komisija Bosne i Hercegovine da u saradnji sa Vijećem ministara i mjerodavnim tijelima Parlamentarne supštine BiH pristupi pripremi izmjenama i dopunama Izbornog zakona, a na temelju uočenih nedostataka u dosadašnjoj primjeni Izbornog zakona na proteklim opštim i lokalnim izborima.

Ad-10. Izvještaji o izvršenoj reviziji Finansijskog poslovanja institucija Bosne i Hercegovine za 2003.god :

- a. Agencije za informacije i zaštitu BiH,
- b. Centra za uklanjanje mina BiH,
- c. Direkcije za civilnu avijaciju BiH,
- d. Direkcije za europske integracije BiH,
- e. Direkcije za implementaciju projekta CIPS,
- f. Doma za ljudska prava BiH,
- g. Instituta za akreditaciju BiH,
- h. Komisije za zaštitu nacionalnih spomenika BiH,
- i. Ministarstva finansija i trezora BiH,
- j. Ministarstva vanjske trgovine i ekonomskih odnosa BiH,
- k. Ministarstva za ljudska prava i izbjeglice BiH,
- l. Ombudsmena za ljudska prava BiH,
- m. Stalnog komiteta za vojna pitanja BiH,
- n. Vijeća ministara BiH – Službe,
- o. Komisija za imovinske zahtjeve raseljenih osoba i izbjeglica

U raspravi su učestvovali: predstavnik Ureda za reviziju Samir Mušović, Branko Zrno, Halid Genjac, Hasan Čengić, Ilija Filipović, Nade Radović i Goran Milojević.

Dom naroda jednoglasno je usvojio Izvještaje o izvršenoj reviziji Finansijskog poslovanja institucija Bosne i Hercegovine za 2003.god. sa sljedećim zaključcima:

1. Da se od svih institucija korisnika Budžeta, zatraži izvještaj šta su poduzeli povodom nalaza Ureda za reviziju na otklanjanju propusta i na sankcionisanju istih.
2. Da Vijeće ministara dostavi Prijedlog zakona o platama i drugim naknadama u institucijama Bosne i Hercegovine.

Ad-11. Izvještaj o stanju u odbrambenim i sigurnosnim strukturama u Bosni i Hercegovini

U raspravi su učestvovali: Tomislav Limov, Boško Šiljegović i Osman Brka.

Dom naroda jednoglasno je usvojio Izvještaj o stanju u odbrambenim i sigurnosnim strukturama u Bosni i Hercegovini.

Ad-12. Izvještaj Zajedničke komisije za odbrambenu i sigurnosnu politiku o prijedlogu zaključaka i mjera povodom rasprave o Informaciji o stanju sigurnosti Bosne i Hercegovine

U raspravi je učestvovao Tomislav Limov.

Dom naroda je primio k znanju Izvještaj Zajedničke komisije za odbrambenu i sigurnosnu politiku o prijedlogu zaključaka i mjera povodom rasprave o Informaciji o stanju sigurnosti Bosne i Hercegovine.

Sjednica je završena u 16,30 sati.

Sastavni dio ovog zapisnika je neautorizovani transkript sjednice.

**SEKRETAR
DOMA NARODA
Jadranko Tomić**

**PREDSJEDAVAJUĆI
DOMA NARODA
Goran Milojević**